

situitur. Si vero ærarium ecclesiasticum sumtus suppeditare non potest, Parochiani obligati sunt ad eos suppeditandos. Simili modo ut advehatur familia novi Pastoris cum supellectile, sumtus à Parochianis subministrandi sunt.

## MEDITATION.

### CAP. VIII.

# *De Instruzione ministri ecclesiastici DE BAPTISMO.*

#### §. I.

**P**ostquam vidimus, quomodo futurus Ecclesiæ Minister ad sacrum officium se præparare debeat, nec non quibus actibus in illud introducatur: ordo nunc postulat, ut ad ipsas actiones in Ministerio obeundas progrediamur initio facto à BAPTISMO.

§. 2. Quomodo Minister Ecclesiæ circa Baptismum se gerere debeat, commode certis præceptis proponi potest.

Præceptum I. Minister Ecclesiæ Baptismum administratus in primis operam det, *ut sit animo præsente & attento;* quia, ubi cogitationes ad aliena evagantur, facile fieri potest, ut aliquid eorum, quæ ad Baptismum necessaria sunt, cujusmodi e. g. sunt verba institutionis, omittat, & Sacramentum hoc mutiletur, aut alias scandalum Ecclesiæ præbeatur.

§. 3. Præceptum II. Maxime cavere sibi debet Ecclesiæ Minister, *ne ebrius ad Baptismi administrationem accedat:* ebrietas enim debitam attentionem impedit, & testatur experientia, quod ob ebrietatem sacramentum hoc mutilatum fuerit, *non recte* pronunciatis verbis institutionis, ut proinde infans aliter